



Broj: 04-40-1-316/25
Sarajevo, 13.11.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ **za period od 08:30 sati 12.11.2025. do 08:30 sati 13.11.2025. godine**

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a, dana 12.11.2025. godine u 11:25 sati, od Službe CZ Općine Hadžići, da je u blizini tunela „Ivan“ pronađena jedna minobacačka granata. Informacija je prenesena Timu za UES Federalne uprave civilne zaštite, koji će pronađeno ubojno sredstvo preuzeti u narednom periodu.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su sedam intervencija. Tri intervencije se odnose na obezbjeđivanje prilikom održavanja javnih događaja, jedna na gašenju zapaljenog automobila, jedna na gašenju zapaljenog pomoćnog objekta, jedna na pojavu dima u zajedničkim prostorijama objekta kolektivnog stanovanja i jedna tehnička intervencija (otvaranje zaglavljenih vrata).

Općinski operativni centar civilne zaštite Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije, ukoliko to situacija bude zahtijevala) i infrastrukture. Uposlenici Službe civilne zaštite Općine Stari Grad Sarajevo, terenskim obilaskom navedenih lokacija dana 12.11.2025. godine, utvrdili su slijedeće stanje:

1. Curine njive (Opština Istočni Stari Grad / Općina Stari Grad Sarajevo – Bostarići)

Prilikom vizuelnog pregleda ustanovljeno je da je i dalje vidljiv dotok vode iz pravca deponije te da je tlo i dalje zasićeno vlagom u donjem dijelu ispod samog igrališta. Evidentne su blago proširene postojeće pukotine te erozije tla. Takođe, na dijelu iznad rasadnika, odnosno na dijelu gdje se završava drenažni kanal, vidljivo je da je voda ispunila pojedine pukotine te da je došlo do blagog proširenja

pojedinih starih pukotina. Kompletно tlo klizišta je zasićeno vlagom. I dalje je na snazi pripravnost DVD Vratnik, Savjet mjesne zajednice Širokača i Klico trans d.o.o

2. Knjeginjac (Opština Istočni Stari Grad)

Nije zabilježeno novo odlaganje građevinskog materijala. Uočeno je slijeganje postojećeg deponijskog materijala uz početne znakove erozije, što ukazuje na postepenu konsolidaciju tla i utjecaj atmosferskih faktora.

Na lokalitetu deponije prisutna je veća zasićenost vlagom na kompletnom tlu. Uočena je izražena erozija tla, naročito na gornjem dijelu deponije gdje dolazi do ispiranja materijala prema nižim zonama. U donjem dijelu deponije vidljiva je konstantna prisutnost plavnih površina i zadržavanje vode što dodatno doprinosi povećanju vlažnosti i mogućem destabilizovanju terena. Na pojedinim mjestima primijećeno je formiranje manjih površinskih tokova koji se slivaju prema klizištu, što ukazuje na povezanost deponije i zone klizišta te mogućnost da voda sa deponije dodatno utiče na zasićenje tla u tom području.

Ocjena rizika: Slijeganje deponijskog materijala i erozija usljed atmosferskih uticaja.

3. Bistrički potok (Općina Stari Grad Sarajevo – Boguševac / Opština Istočni Stari Grad)

Korito potoka je i dalje djelimično zatrpano zemljano-kamenim materijalom i obrušenim stablima. Nisu evidentirane nove degradacije niti su poduzete aktivnosti na uklanjanju postojećih prepreka. Prilikom obilaska lokaliteta potoka nema zastoja u protoku vode.

4. Evakuacija stanovništva s ugroženih područja

Na osnovu **Naredbi Štaba civilne zaštite Kantona Sarajevo** (br.08-40-1128-2/24 od 01.11.2024.godine i br.08-40-1128-2.1/24 od 20.11.2024.godine), kao i **Planova evakuacije Općine Stari Grad Sarajevo**, Služba civilne zaštite redovno obilazi naselja **Bostarići, Ablakovina i Ablakovina čikma**. U toku su **procjene rizika** i pripreme za eventualno izmještanje stanovništva u sigurnije objekte, koje će osigurati Općina Stari Grad Sarajevo.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 3°C, vlažnost zraka 86%, barometarski pritisak 949,1 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Stari Grad – Careva ćuprija, zbog sanacionih radova na mostu, saobraćaj je privremeno obustavljen. Vozila se preusmjeravaju na alternativne pravce.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a